



EKE ÑKPARAWA OWO

Se Ikpepde Ibaña nte Abasi Esituade Owo Mbom

JONAH—IKPEHE 2

Item: Tie ke ebiet oro uyom mîdùhe kot mme itie Ñwed Abasi emi nyuñ nam se ẹdọhọde anam mi. Nam nte omokut se ẹbukde ke itie Ñwed Abasi oro ye nte ke afo do ye mmọ. Nam nte omokop se ẹtĩnde. Kere nte se iketibede ẹketukde mme owo emi ke idem. Yak itieñwed emi eneñede otuk fi.

1 TIE KERE SE IKETIBEDE.—KOT JONAH 3:1-4:11.

Afo ekere ke eketie Jonah didie ke idem ke ini enye okodukde obio Nineveh? _____

Afo ekere ke eketie Jonah didie ke idem ke ini enye akatañade ubiereikpe Jehovah? _____

Anaedi nso mikenemke Jonah nte enye eketiede ke edem obio? (Se Jonah 4:5-8.) _____

2 NEÑEDE TIE KERE.

Ekeme ndidi nso ikanam Jonah oyom Jehovah osuk osobo Nineveh nte enye okonwoñode? _____

Da mme ñkpọ unam nduñode oro enyenede yom ntọt oro abañade (1) oruk eto emi Abasi ekenimde ofuk Jonah, ye (2) se edidem Nineveh ndisjine ofonikpo nsuhode nte ke ntọñ oworode. _____

Ntak emi ekemedede ndidohọ ke Jonah edi profet emi akanamde akpanikọ onyūñ enyenede uko, okposukedi emi enye ekemeñede nditiñ ntīñ-nñim ikọ mbaña Nineveh? (Matthew 21:28-31)

3 DA SE EKPEPDE SỊN KE EDINAM. WET SE EKPEPDE ABAÑA . . .

Ke mme owo ekeme ndikabade esit nkpoñ idiok usun mmọ.

Nte Jehovah esituade owo mbom.

Ntak emi oyomde nnyin isitua owo mbom.

4 EWE IKPEHE KE MBUK EMI KE AFO ENEÑEDE AMA, NDIEN NTAK-A?

Edieke oyomde ndika iso nnam nduñode, se *Enyọñ Ukpeme* eke April 1, 2009, page 14-18.

